



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 77. Extrema Anglorum aversio in Catholicos.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII vero Cæsarei milites quadraginta octo
 A. C. 1673. millia Imperialium, quos Franciæ Mi-
 nistri in vini adusti doliis ad fallendum
 inclusos ex Colonia evehi curabant,
 detecta fraude interceperant, tum Gallia
 in rabiem acti Colonia una omnes ex-
 cessere, abrupta omni pacis concilian-
 dæ negotiatione: cum autem paulopost
 Angliæ Rex. Coloniensis Elector, &
 Monasteriensis Episcopus Gallos desti-
 tuissent, & Galli in Catalaunia ab Hi-
 spanis ingenti clade protriti fuissent,
 Ludovicus Rex sese ad pacis consilia
 faciliorem exhibebat.

§. LXXVII.

*Extrema Anglorum aversio in Ca-
tholicos.*

Salmon hist. Chron. d' Angl. t. 1. Thoiras hist. d' Angl. l. 23. Nunquam luculentius Angli Prote-
 stantes viperinum suum in Catho-
 licos, eorumque religionem odium,
 ac fanaticum suæ sectæ studium mani-
 festarunt, quam occasione Regiæ de-
 clarationis, qua Carolus II. Rex Pres-
 byterianos esse in sua secta tolerandos,
 & Catholicos innoxios in remuneratio-
 nem fidelitatis & obsequiorum, que
 oppresso ac exuli Regi ejusque Patri
 præstiterunt, magni beneficii loco a
 legum poenaliū barbarie immunes
 fore declarabat: Enimvero Angli ex
 omni

Sæc. XVII.
A. C. 1673.

omnibus Non - Conformistis nonnisi
 unam classẽ fieri, atque in ea Pres-
 byterianos comprehendi haud ægre fe-
 rebant; postquam vero communi hoc
 nomine etiam Catholicos a Rege sub-
 intelligi suspicabantur, mox Presbyte-
 rianis, quos antea inhumane infecta-
 bantur, favere & omne virus in Catho-
 licos effundere cæperant. Igitur die
 quinta Februarii utriusque Curix Se-
 natores, ut Regi suo & Catholicis mo-
 lestiam interrent, edictum in Senatu
 proposuere, vi cujus omnes pœnæ an-
 tea contra Presbyterianos latæ abro-
 garentur, eisque concessa plena con-
 scientiarum libertate duntaxat fide-
 litatis & supremæ potestatis juramentum
 imponeretur; sub idem ferme tempus
 ferrea frontis orisque contumacia a
 Rege postulabant. I. Ut promulgato
 edicto intra triginta dies omnes Ca-
 tholicos Sacerdotes & Jesuitas e Regno
 expelleret, & evoluta hoc termino il-
 los, qui adhucdum ibi morarentur,
 omni legum severitate plecti juberet.
 II. Adstringeret cunctos Tribunos &
 milites, ut præfatum juramentum ex-
 solverent, & Synaxin juxta ritum An-
 glicanum reciperent. III. Omnes Ca-
 tholicos e publicis officiis tam civilibus
 quam militaribus excluderet. IV. Cun-
 ctos Catholicos imo & de hac religione
 suspe-

T t 5

suspe-

Sæc. XVII. suspectos ab Aula quinque leucis ab-
 A. C. 1673. esse juberet: Recusantes vero exaucto-
 raret. Hæc in Catholicorum oppres-
 sionem a Parlamento peti haud igno-
 rabat Rex, & quamvis ob religionem,
 quæ tamen jam a tempore Lucii Regis
 in hoc Regno floruit, in recens invectæ
 sectæ favorem Catholicos nationales e
 patria sua expelli, iniquissimum repu-
 taret, cruenta tamen Parlamenti con-
 silia veritus, intra mensem cunctos Sa-
 cerdotes Catholicos & Jesuitas Regno
 excedere jussit: cum autem circa ce-
 tera Parlamenti postulata nil decideret,
 Parlamentum Regem eo adigere de-
 crevit, ut suam etiam declarationem
 revocaret, & ni reliquis ejusdem peti-
 tis annueret, ei pecuniarum subsidia pro
 belli expensis denegaturum, declaravit.

Saxum inter & sacrum hærebat Rex,
 quippe Parlamento resistere periculo-
 sum, cedere & Catholicorum ani-
 mas, & libertatem negotiari, non mi-
 nus æquitati adversum, quam aucto-
 ritati suæ indecorum & perniciosum e-
 rat: noverat insuper, quod Rex Pater suus
 proprio honore, sanguine, ac vita
 coactus fuerit expiare pusillanimita-
 tem, qua Anno hujus sæculi quadra-
 gesimo primis Parlamenti postulatis ces-
 sisset, eique ad majora audenda animum
 subdidit. Postquam ergo vires suas
 reli-

resistendo impares viderat, & præter Sæc. XVII.
 Arlingtonum Comitem ipsemet etiam A. C. 1673.
 Asleyus seu Schatsburyensis Comes
 nunc Regni Cancellarius ab eo ad Par-
 lamenti populique partes transferat,
 Rex die decima octava Martii in Se-
 natu, ubi Cancellarius juratis Catholi-
 corum hostibus cinctus, adversus conces-
 sam conscientiarum libertatem declama-
 bat suam declarationem revocavit,
 simulque in Catholicos impune sæviendi
 facultatem Parlamento concedere co-
 actus est. Tum denuo patuit, quod
 Protestantes conscientiarum libertatem
 & tolerantiam duntaxat summis elogiis
 celebrent, ac commendent (*), quan-
 do de quacunque alia secta, quam Ca-
 tholica religione agitur, contra hanc
 autem necesse credant, ut Herodes
 Pilato accedat, & in ejus ruinam om-
 nes Sectarii, cujuscunque nominis sint,
 suas vires jungant: Eapropter toties
 &

(*) Ita Heidelbergæ quidam Calvinista An-
 no 1723. librum sub titulo: *Pensées sur la re-
 union des Protestantes* edidit, & tanquam mo-
 deratus & orthodoxus Scriptor a Calvinistis
 commendatur, eo quod tolerantiam ad alias
 sectas a Protestantibus separatas non exten-
 derit vid. Bibl. Germ. tom. 6. p. 235. id sane
 est idioma æquitatis naturalis, quæ præcipit,
 ut facias alteri quod tibi fieri velis.

Sæc. XVII & ubique Catholici victima fuere furo-
 A. C. 1673. ris Calviniani, Lutherani &c. Certe
 talia novis hisce Evangelicis infillit
 nec character Evangelici foederis, nec
 indoles Evangelii, quod nil nisi
 charitatem, lenitatem, patientiam &
 tolerantiam, non autem vincula, exi-
 lia, ferrum & sanguinem docet. Aliam
 agendi rationem in religione Christiana
 & Christianorum schola didicit, ac te-
 nuit Constantinus Magnus: uti testatur
 Eusebius in ejus vita l. 2. c. 60. versio-
 nis Cousinæ. Attamen ejusmodi vexa-
 tionibus nondum satata erat Anglorum
 Protestantium rabies, sed insuper, ne
 minus crudeles viderentur Tyrannis
 atque Ethnicis Christiani nominis hosti-
 bus, qui in primis Ecclesiæ sæculis
 Catholicos vel ad ejurandam fidem,
 vel ad vescenda idolothyta exilio, vin-
 culis, aliisque suppliciis compellebant,
 pariter Angli decreta exilii poena præ-
 ceperunt. I. Ut omnes Catholici pu-
 blicis officiis provisi Calvinianam cœ-
 nam in eorum Templis publice sume-
 rent, & præter fidelitatis, & supremæ
 in sacra potestatis juramentum etiam
 scriptotenus & coram duobus testibus
 jurarent, *se credere, quod in Sacramento
 Cænæ Dominicæ nec ante nec post consi-
 crationem a quocunque factam fiat transi-
 substantio.* II. Prohibuerunt, ne Pro-
 testan-

testantes cum Catholicis connubia ini- Sæc. XVII.
rent, ut scilicet Regis Fratrem Eboracensem Ducem præpedirent, ne Oenipontanam Archiducissam, aut aliam quamcunque Principem religione Catholicam sibi matrimonio jungeret. A.C. 1673.

*Tantum secta recens potuit suadere
malorum.*

Præterea Protestantes, ne Hibernis pepercisse viderentur, a Rege postularunt, ut Richardum Talbotum, quia Catholicorum Hibernorum negotia procurabat, omni dignitate exueret. Verum Rex die octava Aprilis Senatum ingressus, pro solis Presbyterianis petitam conscientiarum libertatem confirmare distulit, indicto primum ad trigessimam Octobris diem Parlamento.

§. LXXVIII.

Protestantium Anglorum machinationes contra Eboracensis Ducis matrimonium.

Quantumvis Eboracensis Dux Angliæ Regis Frater non ita pridem Catholicam religionem amplexatus esset, Calvinianam tamen impietatem tantopere exhorrebat, ut potius Architalassi munere ultro se abdicare, quam sacrilego juramento conscientiam suam contaminare vellet. Hoc ejus exemplum pariter Theatr. Eur.
rop. tom. 1.
Amelot
Mem. t. 2.
p. 419.
Calmet hist.
Univ. t. 17.
l. 156. §. 24.
Bellin